

vnsern liben getrawen/vnd fugen inen tzuwissen/  
Das wir vmb bethwegē/vnser libē ifraw Mutter  
Agnes der Keiserin/ein vorwerck oder gute/das et  
wan Braff Linstoffs vnd seines brudern Benno  
vnser Caplans gewest/in dem dorff Bartimleb  
an dem Nordt Thuringischen Howe gelegen/tzu  
Sant Peters altar/auff Sant Peters berge/nest  
ben Boszlar gegen der Sonnen auffgang ligende  
tzu eigen gegeben vnd da mit begabt habē zc. mit  
fernem inhalt/des datū stehet/auff den drittē tag  
des Wertzen/Von Christi vnser liben herren ges  
purt/Lauset vnd tzuweyundsechtzig/Erwelüg gel  
melten Keiser Heinrichs im achten/seiner Konig  
lichen Kronung im sechstenn/vnd seines alters im  
tzwolffte iare. Dz aber gemelter Vatter Benno in  
obertzeltē Keiserliche briue/vo: des Keisers Caplā  
angetzogē vñ genant wirdt/hat dise ursach/das er  
tzu der selben zeit/ein Thumber ist gewest/in der  
Stiftkirchē tzu Boszlar / der heiligē tzuwölffbottē  
Simonis vñ Jude/Welche kirch/dortzumal / vor  
des Keisers / der aldo hoff gehalten / Capell : vñ die  
Thubern do selbst/alle/vo: Keiserliche Caplan ges  
acht vnd genant worden sint. Von welcher hienidē  
weytter vnd clarlicher geschrieben wirdt.

**Das ander Capitel vñ dem Na  
men Benno / vnd das vor tzeyten vil dis namens  
erfunden sint.**

**B**enno ist ein alder Wendischer Name / vnd  
sint dis names etwan vil treffenlicher Man  
ner gewest/als namlich/ein Bischoff tzu Osna  
borg/der vmb seines tugetliche lebēs willē vñ dem  
Stul tzu Rom geheiliget/vñ in gemeltē stift Os  
naborg sondlich angeruffen vñ geeret wirdt Lzum  
andern ist auch ein Benno Bischoff gewesen tzu